

今注本二十四史

# 三國志

楊耀坤 揭克倫 校注

四川出版集團 巴蜀書社

五

魏書〔五〕

今注本二十四史

# 三國志

五

魏書  
〔五〕

晉陳壽撰 宋裴松之注

楊耀坤揭克倫校注

四川出版集團 巴蜀書社

## 三國志 卷一六

## 魏書十六

## 任蘇杜鄭倉傳第十六

任峻字伯（達）〔遠〕，<sup>[1]</sup>河南中牟人也。<sup>[2]</sup>漢末擾亂，關東皆震。<sup>[3]</sup>中牟令楊原愁恐，欲棄官走。峻說原曰：“董卓首亂，天下莫不側目，然而未有先發者，非無其心也，勢未敢耳。明府若能唱之，<sup>[4]</sup>必有和者。”原曰：“爲之奈何？”峻曰：“今關東有十餘縣，能勝兵者不減萬人，若權行河南尹事，<sup>[5]</sup>總而用之，無不濟矣。”原從其計，以峻爲主簿。<sup>[6]</sup>峻乃爲原表行尹事，使諸縣堅守，遂發兵。會太祖起關東，入中牟界，衆不知所從，峻獨與同郡張奮議，舉郡以歸太祖。峻又別收宗族及賓客家兵數百人，願從太祖。太祖大悅，表峻爲騎都尉，<sup>[7]</sup>妻以從妹，甚見親信。太祖每征伐，峻常居守以給軍。是時歲飢旱，軍食不足，羽林監潁川棗祗建置屯田，<sup>[8]</sup>太祖以峻爲典農中郎將，<sup>[9]</sup>〔募百姓屯田於許下，得穀百萬斛，郡國列置田官〕，<sup>[10]</sup>數年

中所在積粟，倉廩皆滿。官渡之戰，<sup>[11]</sup>太祖使峻典軍器糧運。賊數寇鈔絕糧道，乃使千乘爲一部，十道方行，爲複陳以營衛之，<sup>[12]</sup>賊不敢近。軍國之饒，起於棗祇而成於峻。<sup>〔一〕</sup>太祖以峻功高，乃表封爲都亭侯，<sup>[13]</sup>邑三百戶，遷長水校尉。<sup>[14]</sup>

〔一〕《魏武故事》載令曰：“故陳留太守棗祇，<sup>[15]</sup>天性忠能。始共舉義兵，周旋征討。後袁紹在冀州，<sup>[16]</sup>亦貪祇，欲得之。祇深附託於孤，使領東阿令。<sup>[17]</sup> 呂布之亂，兗州皆叛，<sup>[18]</sup>惟范、東阿完在，<sup>[19]</sup>由祇以兵據城之力也。後大軍糧乏，得東阿以繼，祇之功也。及破黃巾定許，得賊資業，當興立屯田，時議者皆言當計牛輸穀，<sup>[20]</sup>佃科以定。<sup>[21]</sup> 施行後，祇白以爲佃牛輸穀，<sup>[22]</sup>大收不增穀，有水旱災除，<sup>[23]</sup>大不便。反覆來說，孤猶以爲當如故，大收不可復改易。祇猶執之，孤不知所從，使與荀令君議之。<sup>[24]</sup> 時故軍祭酒侯聲云：<sup>[25]</sup> ‘科取官牛，爲官田計。如祇議，於官便，於客不便。’<sup>[26]</sup> 聲懷此云云，以疑令君。祇猶自信，據計畫還白，執分田之術。<sup>[27]</sup> 孤乃然之，使爲屯田都尉，<sup>[28]</sup> 施設田業。其時歲則大收，後遂因此大田，<sup>[29]</sup> 豐足軍用，摧滅羣逆，克定天下，以隆王室。祇興其功，不幸早沒，追贈以郡，猶未副之。今重思之，祇宜受封，稽留至今，孤之過也。祇子處中，宜加封爵，以祀祇爲不朽之事。”<sup>[30]</sup>

《文士傳》曰：祇本姓棘，先人避難，易爲棗。孫據，字道彥，晉冀州刺史。據子嵩，字臺產，散騎常侍。<sup>[31]</sup> 並有才名，多所著述。嵩兄腆，字玄方，襄城太守，<sup>[32]</sup> 亦有文采。

[1] 峻：盧弼《集解》本誤作“俊”，百衲本、殿本、校點本皆作“峻”。伯遠：各本皆作“伯達”。梁章鉅《旁證》謂《太平御覽》卷二四一引《魏志》作“伯遠”。趙幼文《校箋》又謂《藝文

類聚》卷五一、《太平御覽》卷二〇〇引“達”字俱作“遠”。今從梁、趙所列之證據改。

[2] 河南：即河南尹。東漢建都洛陽，將京都附近二十一縣合為一行政區，稱河南尹，相當於一郡。治所在洛陽。中牟：縣名。治所在今河南中牟縣東。

[3] 關東：地區名。指函谷關以東之地。

[4] 明府：漢代人尊稱郡守為府君，亦稱明府君，簡稱明府。任峻擬推楊原暫代河南尹事，故稱他為明府。唱：倡導。

[5] 河南尹：官名。秩二千石。河南尹地區的長官亦稱河南尹，地區名與官名相同。

[6] 主簿：官名。漢代中央及州郡官府皆置此官，以典領文書，辦理事務。

[7] 騎都尉：官名。屬光祿勳，秩比二千石，掌羽林騎兵。

[8] 羽林監：官名。東漢置羽林左、右監各一人，分別主羽林左、右騎，秩皆六百石，屬羽林中郎將，職掌宿衛宮禁，護從皇帝。

[9] 典農中郎將：官名。建安初曹操設置的屯田官。曹操施行民屯制度，在郡國設置典農中郎將（秩二千石）或典農校尉（秩比二千石），管理該屯田區的農業生產、民政和田租，地位相當於郡太守，但直屬中央大司農。

[10] 募百姓屯田於許下得穀百萬斛郡國列置田官：此十九字，各本皆無。何焯及殿本《考證》皆謂《太平御覽》引有以上十九字，趙一清《注補》亦謂《晉書·食貨志》有以上十八字（少“於”字）。校點本即從何焯說增十九字，今從校點本。許下，許縣附近。許縣在今河南許昌市東。

[11] 官渡：地名。在今河南中牟縣東北。

[12] 複陳：即複陣。梁章鉅《旁證》謂《通典》卷一三七載《李衛公兵法》所云之“方陣”，即祖此制。

[13] 都亭侯：爵名。位在鄉侯下，食祿於都亭。都亭，城郭

附近之亭。

[14] 長水校尉：官名。秩比二千石，掌京師宿衛兵。

[15] 陳留：郡名。治所陳留縣，在今河南開封市東南。

[16] 冀州：東漢末，州牧刺史治所常設在鄴，在今河北臨漳縣西南鄴鎮東一里半。

[17] 東阿：縣名。治所在今山東陽谷縣東北阿城鎮。

[18] 兗州：州牧刺史治所昌邑縣，在今山東金鄉縣西北。

[19] 范：縣名。治所在今山東梁山縣西北范城。

[20] 計牛輸穀：謂按屯田民租用官牛的數目以定租額。

[21] 佃科：佃田的章程。

[22] 僦（jù）：租賃。

[23] 除：免去。

[24] 荀令君：即荀彧。當時荀彧守尚書令，故稱令君。

[25] 軍祭酒：官名。即軍師祭酒，參謀軍事之官。

[26] 客：屯田客。

[27] 分田之術：指按屯田作物產量，分成收租的辦法。當時規定，屯田民用官牛者，官收其產量的六成，民得四成；不用官牛者，官民各半。

[28] 屯田都尉：官名。此即典農都尉。秩六百石或四百石，主管該屯田區的農業生產、民政和田租，地位相當於縣令、長，但不屬郡國，而屬典農中郎將或典農校尉。

[29] 大田：謂大興屯田。

[30] 爲不朽之事：趙幼文《校箋》謂郝經《續後漢書》句下有“遂賜處中爵關內侯”。

[31] 散騎常侍：官名。秩比二千石，第三品。爲門下重職，侍從皇帝左右，諫諍得失，應對顧問，與侍中等共平尚書奏事，有異議得駁奏。

[32] 襄城：殿本、校點本作“襄陽”，百衲本、盧弼《集解》本作“襄城”，《晉書》卷九二《棗據傳》亦作“襄城”。今從百衲

本等。襄城郡治所襄城縣，在今河南襄城縣。

峻寬厚有度而見事理，每有所陳，太祖多善之。於饑荒之際，收卹朋友孤遺，中外貧宗，周急繼乏，信義見稱。建安九年薨，<sup>[1]</sup>太祖流涕者久之。子先嗣。先薨，無子，國除。文帝追錄功臣，諡峻曰成侯。復以峻中子覽爲關內侯。<sup>[2]</sup>

[1] 建安：漢獻帝劉協年號（196—220）。

[2] 關內侯：爵名。漢制二十級爵之十九級，次於列侯，祇有封戶收取租稅而無封地。魏文帝定爵制爲十等，關內侯在亭侯下，仍爲虛封，無食邑。

蘇則字文師，扶風武功人也。<sup>[1]</sup>少以學行聞，舉孝廉、茂才，<sup>[2]</sup>辟公府，皆不就。起家爲酒泉太守，<sup>[3]</sup>轉安定、武都，<sup>〔一〕</sup><sup>[4]</sup>所在有威名。太祖征張魯，過其郡，見則悅之，使爲軍導。魯破，則綏安下辯諸氏，<sup>[5]</sup>通河西道，<sup>[6]</sup>徙爲金城太守。<sup>[7]</sup>是時喪亂之後，吏民流散飢窮，戶口損耗，則撫循之甚謹。外招懷羌胡，得其牛羊，以養貧老。與民分糧而食，旬月之間，流民皆歸，得數千家。乃明爲禁令，有干犯者輒戮，其從教者必賞。親自教民耕種，其歲大豐收，由是歸附者日多。李越以隴西反，<sup>[8]</sup>則率羌胡圍越，越即請服。太祖崩，西平麴演叛，<sup>[9]</sup>稱護羌校尉。<sup>[10]</sup>則勒兵討之。演恐，乞降。文帝以其功，加則護羌校尉，賜爵關內侯。<sup>〔二〕</sup>

〔一〕《魏書》曰：則剛直疾惡，常慕汲黯之為人。<sup>[11]</sup>

《魏略》曰：則世爲著姓，興平中，<sup>[12]</sup>三輔亂，<sup>[13]</sup>飢窮，避難北地。<sup>[14]</sup>客安定，依富室師亮。亮待遇不足，則慨然歎曰：“天下會安，當不久爾，必還爲此郡守，折庸輩士也。”<sup>[15]</sup>後與馮翊吉茂等隱於郡南太白山中，<sup>[16]</sup>以書籍自娛。及爲安定太守，而師亮等皆欲逃走。<sup>[17]</sup>則聞之，豫使人解語，<sup>[18]</sup>以禮報之。

〔二〕《魏名臣奏》載文帝令問雍州刺史張既曰：“試守金城太守蘇則，<sup>[19]</sup>既有綏民平夷之功，聞又出軍西定湟中，<sup>[20]</sup>爲河西作聲勢，吾甚嘉之。則之功効，爲可加爵邑未邪？封爵重事，故以問卿。密白意，且勿宣露也。”既答曰：“金城郡，昔爲韓遂所見屠剝，死喪流亡，或竄戎狄，或陷寇亂，戶不滿五百。則到官，內撫彫殘，外鳩離散，今見戶千餘。又梁燒雜種羌，昔與遂同惡，遂斃之後，越出障塞。則前後招懷，歸就郡者三千餘落，皆卹以威恩，爲官効用。西平鞠演等唱造邪謀，<sup>[21]</sup>則尋出軍，臨其項領，<sup>[22]</sup>演即歸命送質，破絕賊糧。則既有恤民之効，又能和戎狄，盡忠効節。遭遇聖明，有功必錄。若則加爵邑，誠足以勸忠臣，勵風俗也。”

〔1〕扶風：郡名。即右扶風，治所槐里縣，在今陝西興平市東南。武功：縣名。治所在今陝西扶風縣東南。

〔2〕孝廉：漢代選拔官吏的主要科目。孝指孝子，廉指廉潔之士。原本爲二科，後混同爲一科，也不再限於孝子和廉士。東漢後期，定制爲不滿四十歲者不得察舉；被舉者先詣公府課試，以觀其能。郡國每年要向中央推舉一至二人。茂才：即秀才，東漢人避光武帝劉秀諱改，爲漢代薦舉人材科目之一。東漢之制，州牧刺史歲舉一人。三國沿之，或稱秀才。

〔3〕酒泉：郡名。治所祿福縣，在今甘肅酒泉市。

〔4〕安定：郡名。治所臨涇縣，在今甘肅鎮原縣東南。武



都：郡名。治所下辯縣，在今甘肅成縣西。

[5] 綏安：殿本、盧弼《集解》本、校點本作“綏定”，百衲本作“綏安”，郝經《續後漢書》卷四四《蘇則傳》亦作“綏安”。今從百衲本。下辯諸氏：下辯為氏族聚居地。

[6] 河西：地區名。指黃河上游以西之地，即今甘肅河西走廊一帶。

[7] 金城：郡名。治所允吾縣，在今甘肅永靖縣西北湟水南岸。

[8] 隴西：郡名。治所原在狄道縣，今甘肅臨洮縣，漢安帝永初五年（111）徙治所於襄武縣，在今甘肅隴西縣東南。

[9] 西平：郡名。漢獻帝建安中，分金城郡置；又分臨羌縣置西都縣，為西平郡治所，在今青海西寧市。

[10] 護羌校尉：官名。東漢章帝以後常置，秩比二千石，多以邊郡太守、都尉轉任。除監護內附羌人各部落外，亦常將羌兵協同作戰，戍衛邊塞。魏、晉沿置。

[11] 汲黯：西漢濮陽（今河南濮陽縣西南）人。漢武帝時，任東海太守，繼為主爵都尉。為人耿介，常犯顏直諫。武帝稱之為“社稷之臣”。（見《漢書》卷五〇《汲黯傳》）

[12] 興平：漢獻帝劉協年號（194—195）。

[13] 三輔：地區名。西漢都城在長安，遂以長安為中心置京兆尹、右扶風、左馮（píng）翊（yì），合稱三輔。東漢定都洛陽，以三輔陵廟所在，不改其號，仍稱三輔。轄區在今陝西渭水流域一帶。

[14] 北地：郡名。東漢屬涼州，治所富平縣，在今寧夏吳忠市西南。漢末，郡徙寓左馮翊境內，寓治所於今陝西富平縣東。（本王先謙《後漢書郡國志集解》）

[15] 折庸輩士：趙幼文《校箋》謂郝經《續後漢書》“輩”下無“士”字。

[16] 馮翊：郡名。即左馮翊，漢代所謂“三輔”之一。馮翊

原治所在高陵，在今陝西高陵縣西南。東漢獻帝“建安初，關中始開，詔分馮翊西數縣爲左內史郡，治高陵；以東數縣爲本郡，治臨晉”。（本書卷二三《裴潛傳》裴注引《魏略》）臨晉縣治所在今陝西大荔縣。 太白山：又稱太一山、太乙山，泛指今陝西秦嶺，又稱爲終南山；又今陝西太白縣東南秦嶺之主峰亦稱太白山。

[17] 逃走：趙幼文《校箋》謂郝經《續後漢書》“走”字作“匿”。

[18] 解語：趙幼文《校箋》謂郝經《續後漢書》“語”字作“止”。

[19] 守：官吏試職稱守。漢朝官吏有試職之制，限期一年，歲滿轉正，即爲“真”，得食全俸。魏晉南北朝則以低職署理高職，或以高職署理低職均稱守。

[20] 聞：各本皆作“聞”，盧弼《集解》疑作“間”。吳金華《校詁》亦謂作“間”，可從，間猶言“近日”，與上“既有”相呼應。 軍：盧弼《集解》本作“車”，百衲本、殿本、校點本作“軍”。今從百衲本等。 湟中：地區名。指今青海湟水兩岸一帶。

[21] 唱：盧弼《集解》本、校點本作“倡”，百衲本、殿本作“唱”。按二字相通，今從百衲本等。

[22] 項領：比喻要害之地。

後演復結旁郡爲亂，張掖張進執太守杜通，<sup>[1]</sup>酒泉黃華不受太守辛機，進、華皆自稱太守以應之。又武威三種胡並寇鈔，<sup>[2]</sup>道路斷絕。武威太守毋丘興告急於則。時雍、涼諸豪皆驅略羌胡以從進等，<sup>[3]</sup>郡人咸以爲進不可當。又將軍郝昭、魏平先是各屯守金城，亦受詔不得西度。<sup>[4]</sup>則乃見郡中大吏及昭等與羌豪帥謀曰：“今賊雖盛，然皆新合，或有脅從，未必同心；因釁擊之，善惡必離，離而歸我，我增而彼損矣。既獲益衆

之實，且有倍氣之勢，率以進討，破之必矣。若待大軍，曠日持久，善人無歸，必合於惡，善惡既合，勢難卒離。雖有詔命，違而合權，專之可也。”於是昭等從之，乃發兵救武威，降其三種胡，與興擊進於張掖。演聞之，將步騎三千迎則，辭來助軍，而實欲爲變。則誘與相見，因斬之，出以徇軍，其黨皆散走。則遂與諸軍圍張掖，破之，斬進及其支黨，衆皆降。演軍敗，華懼，出所執乞降，河西平。乃還金城。進封都亭侯，邑三百戶。

徵拜侍中，<sup>[5]</sup>與董昭同寮。昭嘗枕則膝卧，則推下之，曰：“蘇則之膝，非佞人之枕也。”初，則及臨菑侯植聞魏氏代漢，皆發服悲哭，文帝聞植如此，而不聞則也。帝在洛陽，嘗從容言曰：“吾應天受禪，<sup>[6]</sup>而聞有哭者，何也？”則謂爲見問，鬚髯悉張，欲正論以對。侍中傅巽音苦洽反。<sup>[7]</sup>則曰：“不謂卿也。”於是乃止。<sup>[-]</sup>文帝問則曰：“前破酒泉、張掖，西域通使，燉煌獻徑寸大珠，<sup>[8]</sup>可復求市益得不？”<sup>[9]</sup>則對曰：“若陛下化洽中國，德流沙漠，即不求自至；求而得之，不足貴也。”帝默然。後則從行獵，槎桎拔，<sup>[10]</sup>失鹿，帝大怒，踞胡牀拔刀，<sup>[11]</sup>悉收督吏，將斬之。則稽首曰：“臣聞古之聖王不以禽獸害人，今陛下方隆唐堯之化，而以獵戲多殺羣吏，愚臣以爲不可。敢以死請！”帝曰：“卿，直臣也。”遂皆赦之。然以此見憚。黃初四年，<sup>[12]</sup>左遷（東平）〔河東〕相。<sup>[13]</sup>未至，道病薨，諡曰剛侯。子怡嗣。<sup>[14]</sup>怡薨，無子，弟愉襲封。愉，咸

## 熙中爲尚書。<sup>〔一〕</sup><sup>〔15〕</sup>

〔一〕《魏略》曰：舊儀，侍中親省起居，故俗謂之執虎子。<sup>〔16〕</sup>始則同郡吉茂者，是時仕甫歷縣令，遷爲冗散。茂見則，嘲之曰：“仕進不止執虎子。”則笑曰：“我誠不能效汝蹇蹇驅鹿車馳也。”<sup>〔17〕</sup>初，則在金城，聞漢帝禪位，以爲崩也，乃發喪；後聞其在，自以不審，意頗默然。臨菑侯植自傷失先帝意，亦怨激而哭。其後文帝出游，追恨臨菑，顧謂左右曰：“人心不同，當我登大位之時，天下有哭者。”時從臣知帝此言，有爲而發也，而則以爲爲己，欲下馬謝。侍中傅異目之，乃悟。

孫盛曰：夫士不事其所非，不非其所事，趣舍出處，而豈徒哉！則既策名新朝，委質異代，而方懷貳心生忿，<sup>〔18〕</sup>欲奮爽言，豈大雅君子去就之分哉？《詩》云：“士也罔極，二三其德。”<sup>〔19〕</sup>士之二三，猶喪妃偶，況人臣乎？

〔二〕愉字休豫，歷位太常、光祿大夫，<sup>〔20〕</sup>見《晉百官名》。山濤《啓事》稱愉忠篤有智意。<sup>〔21〕</sup>

臣松之案愉子紹，字世嗣，爲吳王師。石崇妻，紹之女兄也。<sup>〔22〕</sup>紹有詩在《金谷集》。<sup>〔23〕</sup>紹弟慎，左衛將軍。<sup>〔24〕</sup>

〔1〕張掖：郡名。治所在麟（lún）得縣，在今甘肅張掖市西北。

〔2〕武威：郡名。治所姑臧縣，在今甘肅武威市。

〔3〕雍：州名。刺史治所長安縣，在今陝西西安市西北。

涼：州名。刺史治所姑臧縣，在今甘肅武威市。

〔4〕西度：謂西渡黃河。金城郡治所在黃河之東，而武威、張掖、酒泉等郡皆在黃河之西。

〔5〕侍中：官名。曹魏時，第三品。爲門下侍中寺長官。職掌門下衆事，侍從左右，顧問應對，拾遺補闕，與散騎常侍、黃門侍郎等共平尚書奏事。晉沿置，爲門下省長官。

[6] 受：校點本作“而”，百衲本、殿本、盧弼《集解》本作“受”。今從百衲本等。

[7] 傅巽：趙幼文《校箋》謂《太平御覽》卷三七四引“巽”作“選”。搯：百衲本作“搯”，下小字注“苦洽反”；殿本亦作“搯”，而無小字注；盧弼《集解》本作“搯”，亦無小字注；校點本作“搯”，小字注“音苦洽反”。按，搯音滔（tāo），不得注“苦洽反”；搯音洽（qiā），正是“苦洽反”。是校點本兼取二者之長而改。今從校點本。

[8] 燉煌：郡名。治所敦煌縣，在今甘肅敦煌市西。

[9] 益得不：趙幼文《校箋》謂《太平御覽》卷八〇二引無“益”字。

[10] 槎（chá）桎（zhì）：攔截野獸的木欄。梁章鉅《旁證》：沈欽韓曰：“蓋竹木格圈鹿者。”《庶物異名疏》：“槎桎，檻獸之具。”趙幼文《校箋》又謂《太平御覽》卷八三六引作“蹉蹉”，《北堂書鈔》卷一三五引作“槎挂”。

[11] 胡牀：殿本、盧弼《集解》本無“胡”字，百衲本、校點本有。今從百衲本等。胡牀，可折疊的輕便坐具。因從胡地傳入，故名。後世又稱交牀。

[12] 黃初：魏文帝曹丕年號（220—226）。

[13] 河東相：各本皆作“東平相”。盧弼《集解》謂《太平御覽》卷四五三引《魏略》謂蘇則“後出以爲河東相”，與傳文“左遷東平相”不合。又按，《武文世王公傳》：黃初三年立曹霖爲河東王，太和六年曹徽改封東平王。而蘇則爲相在黃初四年，是時尚無東平國，故“東平”當爲“河東”之訛。又《世說新語·賞譽篇》（應爲《品藻篇》）注引《魏書》亦云則爲河東相。趙幼文《校箋》謂盧說是也。考《群書治要》卷二五、《冊府元龜》卷一八一俱作“河東相”。今從盧、趙說改。河東王國，治所安邑，在今山西夏縣西北禹王城。相，官名。王國的相，由朝廷直接委派，執掌王國行政大權，相當於郡太守。

[14] 怡：梁章鉅《旁證》謂《唐書·宰相世系表》作“恬”。

[15] 咸熙：魏元帝曹奂年號（264—265）。

[16] 虎子：便壺。因形如伏虎，故名。晉·葛洪《西京雜記》卷四：“漢朝以玉爲虎子，以爲便器，使侍中執之，行幸以從。”

[17] 蹇蹇：形容遲緩。

[18] 貳心：百衲本作“貳心”，殿本、盧弼《集解》本、校點本作“二心”。按，二者義同，今從百衲本。

[19] “《詩》云”句：見《詩·衛風·氓》。罔極：沒有標準。二三：三心二意，反復無常。

[20] 太常：官名。秩中二千石，第三品。掌禮儀祭祀，選試博士。光祿大夫：官名。秩比二千石，第三品，位次三公。無定員，無固定職守，相當於顧問。諸公告老及在朝重臣加此銜以示優重。

[21] 山濤《啓事》：《晉書》卷四三《山濤傳》謂晉武帝咸寧中，山濤爲尚書僕射，加侍中，領吏部，在選職十餘年。“濤所奏甄拔人物，各爲題目，時稱《山公啓事》。”《隋書·經籍志》總集類著錄《山公啓事》三卷，《舊唐書·經籍志》則著錄爲《山濤啓事》三卷。

[22] 女兄：百衲本、殿本、盧弼《集解》本均作“兄女”，殿本《考證》云：“‘兄女’宋本作‘女兄’。”此所謂宋本，乃北宋本。校點本蓋據此作“女兄”。趙幼文《校箋》謂郝經《續後漢書》亦作“女兄”，宋本是也。今從校點本。又盧弼《集解》引《世說新語·品藻》“紹是石崇姊夫”，謂與裴氏所云相反。趙幼文《校箋》謂《說文·女部》：“姊，女兄也。”作“女兄”正與《世說新語》合。

[23] 金谷集：金谷，地名。《世說新語·品藻》劉孝標注引石崇《金谷詩叙》，石崇自謂“有別廬在河南縣界金谷澗中”，“征西大將軍祭酒王詡當還長安，余與衆賢共送往澗中，晝夜游宴，屢遷其坐”。“遂各賦詩，以叙中懷。”“故具列時人官號、姓名、年紀，

又寫詩著後。後之好事者，其覽之哉！”據此，盧弼《集解》云：“《金谷集》蓋與《蘭亭詩》體例相同，皆匯集時人之詩也。”

[24] 左衛將軍：官名。西晉初，屬中軍將軍，後屬領軍將軍（中領軍）。掌宮禁宿衛，為禁衛軍主要統帥之一，權任頗重，多由皇帝親信之人擔任，四品。與領軍、護軍、驍騎、游擊等六將軍合為六軍。

杜畿字伯侯，京兆杜陵人也。<sup>〔一〕</sup>[1] 少孤，繼母苦之，以孝聞。年二十，為郡功曹，<sup>[2]</sup>守鄭縣令。<sup>[3]</sup>縣囚繫數百人，<sup>[4]</sup>畿親臨獄，裁其輕重，盡決遣之，雖未悉當，郡中奇其年少而有大意也。<sup>[5]</sup>舉孝廉，除漢中府丞。<sup>[6]</sup>會天下亂，遂棄官客荊州，<sup>[7]</sup>建安中乃還。荀彧進之太祖，<sup>〔二〕</sup>[8] 太祖以畿為司空司直，<sup>[9]</sup>遷護羌校尉，使持節，<sup>[10]</sup>領西平太守。<sup>〔三〕</sup>[11]

〔一〕《傅子》曰：畿，漢御史大夫杜延年之後。<sup>[12]</sup>延年父周，自南陽徙茂陵，<sup>[13]</sup>延年徙杜陵，子孫世居焉。

〔二〕《傅子》曰：畿自荊州還，後至許，見侍中耿紀，語終夜。<sup>[14]</sup>尚書令荀彧與紀比屋，<sup>[15]</sup>夜聞畿言，異之，旦遣人謂紀曰：<sup>[16]</sup>“有國士而不進，何以居位？”既見畿，知之如舊相識者，遂進畿於朝。

〔三〕《魏略》曰：畿少有大志。在荊州數歲，繼母亡後，以三輔開通，負其母喪北歸。道為賊所劫略，衆人奔走，畿獨不去。賊射之，畿請賊曰：“卿欲得財耳，今我無物，用射我何為邪？”賊乃止。畿到鄉里，京兆尹張時，<sup>[17]</sup>河東人也，<sup>[18]</sup>與畿有舊，署為功曹。嘗嫌其闊達，不助留意於諸事，言此家疏誕，<sup>[19]</sup>不中功曹也。畿竊云：“不中功曹，中河東太守也。”<sup>[20]</sup>

[1] 京兆：東漢稱京兆尹，曹魏改稱京兆郡。治所長安縣，在今陝西西安市西北。 杜陵：縣名。治所在今陝西西安市東南。

[2] 功曹：官名。漢代郡太守下設功曹史，簡稱功曹，為郡太守之佐吏，除分掌人事外，並得參與一郡之政務。

[3] 鄭縣：治所在今陝西華縣。

[4] 縣囚繫數百人：趙幼文《校箋》謂《太平御覽》卷二六四引作“縣內繫囚數百”。

[5] 大意：殿本作“大志”，百衲本、盧弼《集解》本、校點本作“大意”。今從百衲本等。

[6] 漢中：郡名。治所南鄭縣，在今陝西漢中市東。 府丞：官名。東漢末稱郡丞為府丞。郡丞為郡太守之副，佐太守掌衆事，若太守病，則代行其事。秩六百石，由朝廷任命。魏、西晉沿置，八品。

[7] 荊州：刺史的治所本在漢壽縣，在今湖南常德市東北。劉表為刺史，移治所於襄陽縣，在今湖北襄樊市襄陽區。

[8] 進：徐紹楨《質疑》謂“進”即“薦”也。

[9] 司空司直：官名。建安初，曹操為司空時置為司空府僚屬，掌監察。

[10] 持節：漢朝官吏奉使外出時，由皇帝授予節杖，以提高其威權。漢末三國，則為皇帝授予出征或出鎮的軍事長官的一種權力。至晉代，此種權力明確為可殺無官位人，若軍事，可殺二千石以下官員。如皇帝派遣大臣出巡或祭吊等事務時，加持節，則表示權力和尊崇。

[11] 領：兼任官職稱領。

[12] 御史大夫：官名。西漢御史大夫為丞相副貳，協佐丞相處理天下政務，而以監察、執法為主要職掌，亦即全國最高監察、執法長官。丞相缺，常由其遞補。 杜延年：西漢南陽杜衍（今河南南陽市東南）人。漢昭帝初為諫議大夫，又為太僕、給事中等。漢宣帝時官至御史大夫。（見《漢書》卷六〇《杜周附延年傳》）



[13] 南陽：郡名。治所宛縣，在今河南南陽市。茂陵：縣名。治所在今陝西興平縣東北。

[14] 語終夜：趙幼文《校箋》謂《太平御覽》卷四〇九引作“共語終夜”。

[15] 尚書令：官名。東漢時為尚書臺長官，秩千石。掌奏、下尚書曹文書衆事，選用署置官吏；總典臺中綱紀法度，無所不統。名義上仍隸少府。荀彧與紀比屋：趙幼文《校箋》謂《太平御覽》卷四〇九引“彧”下有“家”字，“與紀比屋”作“與紀屋相比”。

[16] 旦：盧弼《集解》本作“且”，百衲本、殿本、校點本作“旦”。今從百衲本等。趙幼文《校箋》謂《太平御覽》引“旦”上有“至”字。

[17] 京兆尹：官名。西漢，在京都長安周圍設置京兆尹、左馮翊、右扶風，合稱三輔，相當於三郡。京兆尹即京兆尹地區的長官，治所在長安，職掌如太守。東漢雖都於洛陽，但以三輔陵廟所在，仍不改其名，沿稱京兆尹。

[18] 河東：郡名。治所安邑縣，在今山西夏縣西北禹王城。

[19] 此家：即此人。周一良《札記》云：“家猶人也，而有尊敬之意。”

[20] 太守：校點本無“太”字，百衲本、殿本、盧弼《集解》本皆有。今從百衲本等。

太祖既定河北，而高幹舉并州反。<sup>[1]</sup>時河東太守王邑被徵，河東人衛固、范先外以請邑為名，<sup>[2]</sup>而內實與幹通謀。太祖謂荀彧曰：“關西諸將，<sup>[3]</sup>恃險與馬，征必為亂。張晟寇殺、澗間，<sup>[4]</sup>南通劉表，固等因之，吾恐其為害深。河東被山帶河，四鄰多變，當今天下之要地也。<sup>[5]</sup>君為我舉蕭何、寇恂以鎮之。”<sup>[6]</sup>彧曰：“杜